

maiconganae 'anoami'ani

“amake, ma'ilra-iyae ! ” masomikacekai ka
votolro'oni inali, 'ape'apece iki vingenge, mani lrongai 'iyase amani 'ina
aidhi 'aolai. toomao tamatama miya 'ina “makoakai,
poelriyae voa'i, amopasopalralrao”.

mani patolinai pingsiange 'ilape kahadhoho, va'oho, lroho, la
apalrolraenga ngosangoso, nao laa loalaa. madhalamelrao cengele tingse
kamoko tatokane. lo ohaaha'ani inali, sa'apalralrao iki tahahaa'e
pasopalra, 'ina mene dholrolrao takaelre amali ohaaha'a, mahekemelrao la
kahavehavehelrao 'iidhemeli.

pi'amadhalaenalrao ciciyo kahadhoho, amali 'a ke'eke'ete tosiisa'i
lroho, ila mani ahaamacalrao palridhape apoi, palralrisi palongo, koko
lalao, ahaamacalrao malra kahadhoho poa koko palongo. ki'ipili, okavole
ta'anokakahadhoho 'aliki tahahaa'e, toomaonga tipitipi mataadhi'i
miya 'adhili 'aolai.

omi'aangalrao kapaiyalrao, kapaceengele amali ta'inidhadhao apoi,
mani pakono pa'iniesa'i apoi, pii'alrao ki'adha'adha ciciyo, ila kikolrotongo
kahadhoho. mani alra lroho poa palongo amali, hingihingi pa'anoalreme,

mani poa va'oho la ngosangoso po'ivo hingihingi, kapahanaanae mahikoco,
toomaonga maolropenge “ahingihingae kahadhoho vaoho ”.

“'oa, 'anoalreme”. kilrihilriho'o kala'omaedha, lakamaava'inga
inali iki talapingaeni tahahaa'e, takopato'iname tapapiya'e “ma'atipoa nigi
lani kina kataadhi'ae ! ” miya. mani pakono kone ko'aale kidhingi inali,
mani tengetengelre miya 'ina “kainikahimohani potimo, oha'eve la,
kapaakanaengali taadhi'inga 'anoami'ani 'ina ahingihingae
va'oho”. tolrimotiname kapapakinika'omalraenai.

特別的味道

「爸，我肚子餓了！」。媽媽不舒服在休息。我和爸爸從冰箱裡找出蛋、白飯、肉和玉米粒。平時，我常幫媽媽忙，今天和爸爸一起下廚很緊張，我先把蛋打好備用，爸爸把火腿切成小丁，開火、熱鍋、倒油，慢慢把蛋汁倒進鍋裡。我不停地翻動鍋鏟，才沒有燒焦。爸爸把火腿放進鍋，加入白飯、玉米粒「蛋炒飯」終於完成。

媽媽來廚房提醒撒點蔥花，還吃了一口點頭說：「雖然忘記放鹽，但這是我吃過最有『味道』的蛋炒飯！」逗得我們全都笑了。